

水經注

冊

ル 5

114

2



呂
114
2



水經注卷二

後魏酈道元撰

所錢文
有恂那

河水案二字原本誤連經文今改正近刻篇題作河水二經文上復衍河水二字今刪去

又南入蔥嶺山又從蔥嶺出而東北流案原本及近刻脫此九字杜佑

通典引水經有此文蓋唐已後始脫去今據通典補正

河水重源有三非惟二也一源西出捐毒之國案近

刻訛作蔥嶺之上西去休循二百餘里皆故塞種也身毒

南屬蔥嶺高千里西河舊事曰蔥嶺在敦煌西八千

里其山高上生蔥故曰蔥嶺也河源潛發其嶺分

為二水一水西逕休循國南在蔥嶺西郭義恭廣志

曰休循國居蔥嶺其山多大蔥又逕難兜國北北接

休循西南去罽賓國三百四十里河水又西逕罽賓

國北案此九字原本及近刻並訛作經考注敘蔥嶺

罽賓月氏安息入雷翥海之水不得與經文淆紊今改正月氏之破塞王南君罽

賓治循鮮城土地平和無所不有金銀珍寶異畜奇

物踰于中夏大國也山險有大頭痛小頭痛之山赤

土身熱之阪人畜同然河水又西逕月氏國南案此九字

原本及近刻並訛作經治監氏城其俗與安息同匈奴冒頓單

于破月氏殺其王以頭為飲器國遂分遠過大宛西

居大夏為大月氏其餘小眾不能去者共保南山羌

中號小月氏故有大月氏小月氏之名也又西逕安

息國南案此七字原本及近刻並訛作經城臨媯水地方數千里最

大國也有商賈車船行旁國畫革旁行為書記也河

水與蜺羅跂諦水同注雷翥海案此十三字原本及近刻並訛作經今考

注內敘蔥嶺西流之水終於此釋氏西域記曰蜺羅跂諦出阿耨達

山之北西逕于闐國案西字近刻訛在之北上漢書西域傳曰于

闐之西水皆西流注西海案之近刻作以注下有于字又西逕四

大塔北

案此七字原本及近刻並訛作經考注內言蔥嶺西流之水因連及蜺羅歧禘水逕于闐

四大塔陀衛安息同入雷翥海亦不得與經文淆紊今改正

釋法顯所謂糺尸羅

國

案糺近刻作竺刹二字

漢言截頭也佛為菩薩時以頭施人

故因名國國東有投身餉餓虎處皆起塔

案餉近刻作餒

西逕捷陀衛國北

案此八字原本及近刻並訛作經

是阿育王子法

益所治邑佛為菩薩時亦于此國以眼施人其處亦

起大塔又有弗樓沙國

案弗近刻訛作佛

天帝釋變為牧牛

小兒聚土為佛塔法王因而成大塔所謂四大塔也

法顯傳曰國有佛鉢月氏王大興兵眾來伐此國欲

持益去置益象上象不能進更作四輪車載益八象

其牽復不進王知益緣未至于是起塔畱益供養益

容二斗雜色而黑多四際分明厚可二分甚光澤貧

人以少華投中便滿富人以多華供養正復百千萬

斛終亦不滿佛圖調曰

案近刻脫調字

佛益青玉也受三斗

許彼國寶之供養時願終日香華不滿則如言願一

把滿則亦便如言又按道人竺法維所說佛益在大

月支國起浮圖高三十丈七層益處第二層金絡絡

鎖縣益益是青石或云懸益虛空

案旁行為書記也為字起至此句虛

字止近刻訛在後俗與子合同下河水又東逕皮山國北之前原本不誤須菩提置蓋在

金机上佛一足跡與蓋共在一處國王臣民悉持梵

香七寶璧玉供養塔跡佛牙袈裟頂相舍利悉在弗

樓沙國釋氏西域記曰捷陀越王城西北案捷近刻作捷下同

有益吐羅越城佛袈裟王城也東有寺重復尋川水

西北十里有河步羅龍淵佛到淵上浣衣處案近刻脫淵字

浣石尚存其水至安息注雷翁海案注內敘蜺羅跋禘水終於此又

曰捷陀越西西海中有安息國竺枝扶南記曰安息

國去私訶條國二萬里國土臨海上即漢書天竺安

息國也戶近百萬最大國也漢書西域傳又云梨軒

條支臨西海案黎近刻作稜長老傳聞條支有弱水西王母

亦未嘗見自條支乘水西行可百餘日近日所入也

或河水所通西海矣故涼土異物志曰蔥嶺之水分

流東西西入大海東為河源禹記所云崑崙者焉張

騫使大宛而窮河源謂極于此而不達于崑崙也河

水自蔥嶺分源東逕迦舍羅國案迦近刻作伽釋氏西域記

曰有國名伽舍羅逝此國狹小而總萬國之要道無

不由城南有水東北流出羅逝西山山即蔥嶺也逕

岐沙谷出谷分為二水一水東流逕無雷國北治盧

城其俗與西夜子合同案其字原本說在俗與下今據文義改正又東流

逕依耐國北去無雷五百四十里俗同子合河水又

東案此四字近刻作又東流三字逕蒲犁國北治蒲犁谷北去疏勒

五百五十里俗與子合同河水又東逕皮山國北案此

九字原本及近刻並訛作經考注文蔥嶺河自岐沙谷分為二此先敘南河逕無雷依耐蒲犁皮山而東合于闐河不得與治皮山城西北去莎車三百八十

里

其一源出于闐國南山北流與蔥嶺所出河合案原本及近刻

茲脫所出二字今據通典補正又東注蒲昌海案原本及近刻並脫又字今據通典補正

河水又東與于闐河合案此九字近刻訛作經原本仍屬注文南源導

于闐南山俗謂之仇摩置自置北流逕于闐國西治

西城土多玉石案土近刻訛作上西去皮山三百八十里東

去陽關五千餘里釋法顯自烏帝西南行路中無人

民沙行艱難所逕之苦人理莫比在道一月五日得

達于闐其國殷庶民篤信多大乘學威儀齊整器蓋

無聲城南十五里案城南近刻訛作南城有利刹寺中有石鞞

石上有足跡彼俗言是辟支佛跡法顯所不傳疑非

佛跡也又西北流注于河

案此七字原本及近刻並訛作經今考上下文乃注

內敘于闐河入蔥嶺南河即經所謂北注蔥嶺河也南河又東逕

于闐國北

案此九字原本及近刻並訛作經考上下文並注內敘蔥嶺南河逕于闐打彌精絕

且末鄯善入牢蘭海不得與經文消紊今改正釋氏西域記曰河水東流三

千里至于闐屈東北流者也漢書西域傳曰于闐已

東水皆東流南河又東北逕打彌國北

案此十字原本及近刻並

訛作經治打彌城西去于闐三百九十里南河又東逕

精絕國北西去打彌四百六十里南河又東逕且末

國北

案此九字原本及近刻並訛作經

又東右會阿耨達大水釋氏

西域記曰阿耨達山西北有大水北流注牢蘭海者

也其水北流逕且末南山又北逕且末城西國治且

末城西通精絕二千里東去鄯善七百二十里種五

穀其俗

案近刻訛作兵俗

略與漢同又曰且末河東北流逕

且末北又流而左會南河會流東逝通為注濱河注

濱河又東逕鄯善國北治伊循城故樓蘭之地也樓

蘭王不恭于漢元鳳四年霍光遣平樂監傅介子刺

殺之更立後王漢又立其前王質子尉屠耆為王更

名其國為鄯善百官祖道橫門其王自請天子曰身

水經注 卷二
在漢久恐為前王子所害國有伊循城土地肥美願
遣將屯田積粟令得依威重遂置田以鎮撫之敦煌
索勸字彥義有才略刺史毛奕表行貳師將軍將酒
泉敦煌兵千人至樓蘭屯田起白屋召鄯善焉耆龜
茲三國兵各千橫斷注濱河河斷之日水奮勢激波
陵冒堤勸厲聲曰王尊建節案尊近刻訛作遵河堤不溢王
霸精誠呼沱不流水德神明古今一也勸躬禱祀水
猶未減乃列陣被杖鼓譟謹叫且刺且射大戰三日
水乃迴減灌浸沃衍胡人稱神大田三年積粟百萬

威服外國其水東注澤

案注內敘蔥嶺南河合于闐河終於此

澤在樓

蘭國北扞泥城其俗謂之東故城去陽關千六百里

西北去烏壘千七百八十五里至墨山國千八百六

十五里

案八百近刻訛作三百

西北去車師千八百九十里土

地沙鹵少田仰穀旁國國出玉多葭葦檉柳胡桐白

草國在東垂當白龍堆乏水草常主發導負水擔糧

迎送漢使故彼俗謂是澤為牢蘭海也

案澤原本訛作海據上文

其水東注澤改正

釋氏西域記曰南河自于闐東迤北三千

里至鄯善入牢蘭海者也北河自岐沙東分南河即

釋氏西域記所謂一支北流逕屈茨烏夷禪善入牢

蘭海者也北河又東北流分爲二水枝流出焉北河

自疎勒逕流南河之北

案此二十五字原本及近刻並訛作經考注文蔥嶺河自

岐沙谷分爲二此敘北河逕疏勒溫宿姑墨龜茲漢墨山注賓樓蘭入蒲昌海不得與經淆紊今改正

書西域傳曰蔥嶺以東南北有山相距千餘里東西

六千里河出其中

案以上約舉漢書西域傳之文近刻西域上行釋氏二字朱謀埠箋

謂當作釋氏暨于溫宿之南左合枝水枝水上承北

河于疏勒之東西北流逕疏勒國南又東北與疏勒

北山水合水出北谿東南流逕疏勒城下南去莎車

五百六十里有市列西當大月氏大宛康居道釋氏

西域記曰國有佛浴牀赤真檀木作之方四尺王于

宮中供養漢永平十八年耿恭以戊己校尉爲匈奴

左鹿蠡王所逼恭以此城側澗旁水自金蒲遷居此

城匈奴又來攻之壅絕澗水恭于城中穿井深十五

丈不得水吏士渴乏笮馬糞汁飲之恭乃仰天歎曰

昔貳師拔佩刀刺山飛泉湧出今漢德神明豈有窮

哉整衣服向井再拜爲吏士禱之有頃水泉奔出衆

稱萬歲乃揚水以示之虜以爲神遂卽引去後車師

叛與匈奴攻恭食盡窮困乃煮鐵弩食其筋革恭與

士卒同生死咸無二心圍恭不能下關寵上書求救

建初元年章帝納司徒鮑昱之言案章帝近刻遣兵

救之至柳中以校尉關寵分兵入高昌壁攻交河城

車師降遣恭軍吏范羌將兵二千人迎恭遇大雪丈

餘僅能至城中夜聞兵馬大恐羌遙呼曰案遙近刻

我范羌也城中皆稱萬歲開門相持涕泣尚有二十

六人衣履穿決形容枯槁相依而還枝河又東逕莎

車國南案此九字原本及近刻並訛作經今考注文

北河至溫宿合枝河因敘枝河逕疏勒莎車

至溫宿而入北河此枝河所逕不得為北河蓋

注訛作經於是枝河北河相亂後人妄改耳 治莎

車城西南去蒲犁七百四十里漢武帝開西域屯田

于此有鐵山出青玉枝河又東逕溫宿國南案此九

字近刻訛作北河之東南逕溫宿國又原本及近刻並訛作

經考上下文皆敘枝河所逕此北字亦屬後人妄改

正今訂治溫宿城土地物類與鄯善同北至烏孫赤谷

六百一十里東通姑墨二百七十里于此枝河右入

北河案注內敘枝北河又東逕姑墨國南案此九字

原本及近刻並訛作經今考以下皆 姑墨川水注之案姑字上

注內敘蔥嶺北河所逕 歷赤沙山案近刻東南流

字 水導姑墨西北案近刻脫水字

脫水字 歷赤沙山案近刻東南流

脫水字 歷赤沙山案近刻東南流

脫水字 歷赤沙山案近刻東南流

脫水字 歷赤沙山案近刻東南流

逕姑墨國西治南城

案近刻脫南城二字

南至于闐馬行十五

日土出銅鐵及雌黃其水又東南流右注北河

案河字近

刻訛作波

北河又東逕龜茲國南

案近刻脫北字

又東左合龜茲

川水有二源西源出北大山南釋氏西域記曰屈茨

北二百里有山夜則火光晝日但煙人取此山石炭

冶此山鐵恆充三十六國用故郭義恭廣志云

案近刻脫

云龜茲能鑄冶其水南流逕赤沙山釋氏西域記曰

國北四十里山上有寺名雀離大清淨又出山東南

流枝水左派焉又東南水流三分右二水俱東南流

注北河

案北近刻訛作此

東川水

案東字上近刻衍又字

出龜茲東北

案近刻脫出字

歷赤沙積梨

案近刻脫歷字

南流枝水右出西南入

龜茲城音屈茨也故延城矣西去姑墨六百七十里

川水又東南流逕于輪臺之東也昔漢武帝初通西

域置校尉屯田于此搜粟都尉桑宏羊奏言故輪臺

以東地廣饒水草可溉田五千頃以上

案可近刻訛作有

其處溫和田美可益通溝渠種五穀收穫與中國同時

匈奴弱不敢近西域于是徙莎車相去千餘里即是

臺也其水又東南流右會西川枝水水有二源俱受

西川東流逕龜茲城南合為一水水間有故城蓋屯
校所守也其水東南注東川東川水又東南逕烏壘
國南治烏壘城西去龜茲三百五十里東去玉門陽
關二千七百三十八里與渠犁田官相近土地肥饒
于西域為中故都護治焉漢使持節鄭吉并護北道
故號都護都護之起自吉置也其水又東南注大河
大河又東右會敦薨之水其水出焉耆之北敦薨之
山在匈奴之西烏孫之東山海經曰敦薨之山敦薨
之水出焉案近刻脫敦而西流注于泐澤出于崑崙

之東北隅實惟河源者也二源俱導西源東流分為

二水左水西南流出于焉耆之西案近刻脫逕流焉

耆之野案逕近刻屈而東南流案而字近注于敦薨

之渚右水東南流又分為二左右焉耆之國城居四

水之中在河水之洲治員渠城西去烏壘四百里南

會兩水同注敦薨之浦東源東南流分為二水澗瀾

雙引案澗字上近洪湍濬發俱東南流逕出焉耆之

東導于危須國西案國近刻國治危須城西去焉耆

百里又東南流注于敦薨之藪川流所積潭水斯漲

案潭近刻溢而為海案而原本訛作流據宋本改正史記曰焉者近

海多魚鳥東北隔大山與車師接敦薨之水自西海

逕尉犁國國治尉犁城西去都護治所三百里北去

焉者百里其水又西出沙山鐵關谷又西南流逕連

城引注案近刻脫逕字裂以為田桑宏羊曰臣愚以為連城

以西可遣屯田以威西國即此處也其水又屈而南

逕渠犁國西故史記曰西有大河即斯水也又東南

流逕渠犁國治渠犁城西北去烏壘三百三十里漢

武帝通西域屯渠犁即此處也南與精絕接東北與

尉犁接又南流注于河山海經曰敦薨之水西流注

于泐澤蓋亂河流自西南注也河水又東逕墨山國

南治墨山城西至尉犁二百四十里河水又東逕注

賓城南又東逕樓蘭城南而東注案此十九字原本及近刻並訛作經

蓋撥田士所屯案撥田士近刻訛作發田土故城禪國名耳河水

又東注于泐澤案此八字原本及近刻並訛作經今考北河自岐沙東分南河至此乃注

內敘蔥嶺北河所終即經所謂蒲昌海也水積鄯善之東北龍

城之西南龍城故姜賴之虛案近刻訛作靈胡之大國也蒲

昌海溢案近刻脫昌字盪覆其國城基尚存而至大案近刻訛作元

晨發西門暮達東門澮其崖岸

案近刻訛作澮其崖岸

餘溜風

吹稍成龍形西面向海

案西字上近刻衍皆字

因名龍城地廣

千里皆為鹽而剛堅也行人所逕畜產皆布氈臥之

掘發其下有大鹽方如巨枕

案近刻訛作桃

以次相累類霧

起雲浮

案起近刻訛作氣

寡見星日少禽多鬼怪西接鄯善

東連三沙為海之北隘矣故蒲昌亦有鹽澤之稱也

山海經曰不周之山北望諸毗之山臨彼岳崇之山

東望泐澤河水之所潛也其源渾渾泡泡者也東去

玉門陽關千三百里

案漢書西域傳蒲昌海去玉門陽關三百餘里後漢書同惟水

經注作千三百里足證二書皆脫千字

廣輪四百里

案近刻作廣表三百里

其水

澄渟冬夏不減其中洄湍雷轉為隱淪之脈當其滢

流之上

案近刻脫其字

飛禽奮翮于霄中者無不墜于淵波

矣即河水之所潛而出于積石也

又東入塞過敦煌酒泉張掖郡南

河自蒲昌有隱淪之證竝開關入塞之始自此經當

求實致也河水重源又發于西塞之外出于積石之

山山海經曰積石之山其下有石門河水冒以西流

案西下近刻衍南字

是山也萬物無不有

案近刻下有焉字

禹貢所謂

導河自積石也山在西羌之中燒當所居也延熹二

年西羌燒當犯塞護羌校尉段熲討之追出塞至積

石山斬首而還司馬彪曰西羌者自析支以西濱于

河首左右居也案左近刻河水屈而東北流逕析支

之地案逕下近是為河曲矣應劭曰禹貢析支屬雍

州在河關之西東去河關千餘里羌人所居謂之河

曲羌也東北歷敦煌酒泉張掖南應劭地理風俗記

曰敦煌案下酒泉張掖皆釋其義此當有脫酒泉其

水甘若酒味故也張掖言張國臂掖以威羌狄說文

曰郡制天子地方千里分為百縣縣有四郡故春秋

傳曰上大夫縣下大夫郡至秦始皇置三十六郡以監

縣矣從邑君聲釋名曰郡羣也人所羣聚也黃義仲

十三州記曰郡之言君也改公侯之封而言君者至

尊也郡守專權君臣之禮彌崇今郡字君在其左邑

在其右君為元首邑以載民故取名于君謂之郡漢

官曰秦用李斯議分天下為三十六郡凡郡或以列

國陳魯齊吳是也或以舊邑長沙丹陽是也或以山

陵太山山陽是也或以川原西河河東是也或以所

出金城城下得金酒泉泉味如酒豫章樟樹生庭鴈

門鴈之所育是也或以號令禹合諸侯大計東冶之

山因名會稽是也案因字近刻訛作河逕其南而纏

絡遠矣河水自河曲又東逕西海郡南案此十二字原本及近刻

並訛作經又訛作河水自東河曲考注義乃承上河曲之文今改正漢平帝時王莽秉

政欲耀威德以服遠方諷羌獻西海之地置西海郡

而築五縣焉周海亭燧相望莽篡政紛亂郡亦棄廢

河水又東逕允川而歷大榆小榆谷北案此十五字原本及近刻

並訛羌迷唐鍾存所居也永元五年貫友代聶尚為

護羌校尉攻迷唐斬獲八百餘級收其熟麥數萬斛

于逢雷河上築城以盛麥且作大船案且近刻訛作其于河

峽作橋渡兵迷唐遂遠依河曲永元九年案近刻訛作八年

迷唐復與鍾存東寇而還十年謁者王信耿譚西擊

迷唐降之詔聽還大小榆谷迷唐案此下近刻謂漢衍種人二字

造河橋案謂近刻作以兵來無時故地不可居復叛居河曲

與羌為讎種人與官兵擊之允川去迷唐數十里營

止遣輕兵挑戰因引還迷唐追之至營因戰迷唐敗

走于是西海及大小榆谷案近刻脫谷字無復聚落險糜相

曹鳳上言建武以來西戎數犯法當從燒當種起所

以然者以其居大小榆谷土地肥美又近塞內與諸

種相旁南得鍾存以廣其衆北阻大河因以為固又

有西海魚鹽之利緣山濱河以廣田畜案河近刻作水故能

疆大常雄諸種今黨援沮壞案近刻訛作壞沮親屬離叛其

餘勝兵不過數百宜及此時建復西海郡縣規固二

榆廣設屯田隔塞羌胡交關之路殖穀富邊省輸轉

之役上拜鳳為金城西部都尉遂開屯田二十七部

案近刻脫屯字列屯夾河案近刻脫列屯二字與建威相首尾後羌反

遂罷按段國沙州記吐谷渾于河上作橋謂之河厲

長百五十步兩岸壘石作基陛節節相次大木從橫

更鎮壓兩邊俱平案近刻訛作來相去三丈竝大材以板橫

次之施鉤欄甚嚴飾橋在清水川東也

又東過隴西河關縣北洸水從東南來流注之

河水右逕沙州北案右近刻訛作又段國曰澆河西南百七

十里有黃沙沙南北百二十里東西七十里西極大

楊川案楊近刻作陽望黃沙猶若人委乾糶于地案乾糶近刻作干糶

都不生草木蕩然黃沙周迴數百里沙州于是取號

焉地理志曰漢宣帝神爵二年置河關縣蓋取河之
關塞也風俗通曰百里曰同總名為縣縣立也首也
從系倒首舉首易偏矣案此句有脫誤未詳言當立靜平徭役
也釋名又曰縣懸也懸于郡矣黃義仲十三州記曰
縣弦也弦以貞直言下體之居鄰民之位不輕其誓
施繩用法不曲如弦弦聲近縣故以取名今系字在
半也案此句有脫誤未詳漢高帝六年案原本及近刻六並訛作元據漢書改正令
天下縣邑城張晏曰令各自築其城也河水又東北
流入西平郡界左合二川南流入河又東北濟川水

注之

案此二十七字原本及近刻並訛作經今考上文河關縣至後敘洮水皆依經為注又平近刻

訛作卑

水西南出濫瀆東北流入大谷謂之大谷水北

逕澆河城西南北流注于河河水又東逕澆河故城

北

案此十字原本及近刻並訛作經又東訛作東又有二城東西角倚東北

去西平二百二十里宋少帝景平中拜吐谷渾阿豺

為安西將軍澆河公即此城也河水又東北逕黃川

城河水又東逕石城南左合北谷水

案此二十二字原本及近刻並

訛作經

昔段熲擊羌于石城投河墜坑而死者八百餘

人即于此也河水又東北逕黃河城南

案此十字原本及近刻並

經訛作西北去西平二百一十七里河水又東北逕廣

遠城北右合烏頭川水案此十六字原本及近刻並訛作經右訛作又水發

遠川引納支津北逕城東而北流注于河河水又東

逕邯川城南案此九字原本及近刻並訛作經城之左右歷谷有二

水案二近刻訛作三導自北山南逕邯亭注于河河水又東

臨津谿水注之案此十字原本及近刻並訛作經水自南山北逕臨

津城西而北流注于河河水又東逕臨津城北白土

城南案此十三字原本及近刻並訛作經十三州志曰左南津西六十

里有白土城案近刻脫有字城在大河之北而為緣河濟渡

之處案原本訛作之北近刻處下復衍北字魏涼州刺史郭淮案淮為雍州刺

史此云涼州誤破羌遮塞于白土即此處矣案塞近刻訛作寒河水

又東左會白土川水案此十字原本及近刻並訛作經水出白土城

西北下東南流逕白土城北又東南注于河河水又

東北會兩川右合二水案此十二字原本及近刻並訛作經參差夾岸

連壤負險相望河北有層山山甚靈秀山峯之上立

石數百丈亭亭桀豎競勢爭高遠望嶮嶮若攢圖之

託霄上其下層巖峭舉壁岸無階懸巖之中多石室

焉室中若有積卷矣而世士罕有津達者案達近刻作逮因

謂之積書巖巖堂之內每時見神人往還矣蓋鴻衣

羽裳之士練精餌食之夫耳俗人不悟其仙者乃謂

之神鬼彼羌目鬼曰唐述復因名之為唐述山案之為近

刻訛作為之指其堂密之居謂之唐述窟其懷道宗元之

士皮冠淨髮之徒亦往棲託焉故秦川記曰河峽崖

旁有二窟一曰唐述窟高四十丈西二里有時亮窟

高百丈廣二十丈深三十丈藏古書五笥案近刻訛作字

南安人也下封有水案下封未詳疑是地名導自是山谿水南

注河謂之唐述水河水又東得野亭南案此入字原本及近刻並

訛作經今考南字即屬訛舛此又東北流歷研川謂

之研川水又東北注于河謂之野亭口案亭近刻訛作城河

水又東歷鳳林北案此八字原本及近刻並訛作經鳳林山名也五

巒俱峙者彥云案彥近刻訛作彥昔有鳳鳥飛遊五峰故山

有斯目矣秦州記曰枹罕原北名鳳林川川中則黃

河東流也河水又東與灘水合案此八字原本及近刻並訛作經水

導源塞外羌中故地理志曰其水出西塞外東北流

歷野虜中逕消銅城西又東北逕列城東案近刻脫北字逕下

又衍河字考地說無目蓋出自戎方矣左合列水案合近刻訛作

右水出西北谿東北流逕列城北右入灑水案右近刻訛作

又城居二水之會也灑水又北逕可石孤城西西戎

之名也又東北右合黑城谿水案右近刻訛作石水出西北

山下案山近刻訛作谿東南流逕黑城南又東南枝水左出

焉又東南入灑水灑水又東北逕榆城東榆城谿水

注之水出素和細越西北山下東南流逕細越川案逕

下近刻有于字夷俗鄉名也又東南出狄周峽東南右合黑

城谿之枝津津水上承谿水東北逕黑城東東北注

之榆谿又東南逕榆城南東北注灑水灑水又東北

逕石門口山高險峻絕案近刻脫峻字對岸若門故峽得厥

名矣疑即臯蘭山門也漢武帝元狩三年驃騎霍去

病出隴西至臯蘭謂是山之關塞也案謂字上近刻衍應字應

劭漢書音義曰案近刻脫應劭二字臯蘭在隴西白石縣塞外

案在字上近刻衍應字河名也孟康曰山關名也今是山去河

不遠故論者疑目河山之間矣灑水又東北臯蘭山

水自山左右翼注灑水灑水又東白石川水注之水

出縣西北山下案近刻脫山字東南流枝津東注焉白石川

水又南逕白石城西而注灑水灑水又東逕白石縣

故城南王莽更曰順礫闕駟曰白石縣在狄道西北

二百八十五里灘水逕其北今灘水逕其南案其字近刻訛

作東而不出其北也灘水又東逕白石山北應劭曰白

石山在東羅谿水注之案近刻脫水字水出西南山下東入

灘水灘水又東左合旱并南谿水水出旱并西案近刻脫

一水東南流逕旱并南注之案此二字近刻訛在十

三州志曰廣大阪在枹罕西北旱并在焉昔慕容吐

谷渾自燕歷陰山西馳而創居于此灘水又東逕枹

罕縣故城南應劭曰故枹罕侯邑也案枹罕近刻作罕羌十三

州志曰枹罕縣在郡西二百一十里灘水在城南門

前東過也灘水又東北故城川水注之水有二源南

源出西南山下東北流逕金紐大嶺北案紐大二字近刻訛作細

北又東北逕一故城南又東北與北水會北源自西

南逕故城北右入南水亂流東北注灘水灘水又東

北左合白石川之枝津水上承白石川東逕白石城

北又東絕旱并谿又東逕枹罕城南又東入灘水灘

水又東北出峽北流注于河地理志曰灘水出白石

縣西塞外東至枹罕入河河水又逕左南城南案此八字

原本及近刻 十三州志曰石城西一百四十里有左

南城者也津亦取名焉大河又東逕赤岸北案此八字原本

及近刻並 訛作經 卽河夾岸也秦州記曰枹罕有河夾岸岸

廣四十丈義熙中乞佛于此河上作飛橋橋高五十

丈三年乃就河水又東洮水注之案此八字原本及近刻並訛作經朱

謀璋箋於前經文欲改洮水 地理志曰水出塞外羌

中沙州記曰洮水與墊江水俱出強臺山山南卽墊

江源山東則洮水源山海經曰白水出蜀郭景純注

云從臨洮之西傾山東南流入漢而至墊江故段國

以爲墊江水也洮水同出一山故知強臺西傾之異

名也洮水東北流逕吐谷渾中案近刻 吐谷渾者始

是東燕慕容之枝庶因氏其字以爲首類之種號也

故謂之野虜自洮嶺南北三百里中地草徧是龍鬚

而無樵柴洮水又東北流逕洮陽曾城北案近刻 沙

州記曰強城東北三百里有曾城城臨洮水者也建

初二年羌攻南部都尉于臨洮上遣行車騎將軍馬

防與長水校尉耿恭救之諸羌退聚洮陽卽此城也

洮水又東逕洪和山南案洪近刻 城在四山中洮水

又東逕迷和城北羌名也又東逕甘枳亭歷望曲在

臨洮西南案近刻脫去龍桑城二百里案近刻脫洮水

又東逕臨洮縣故城北禹治洪水西至洮水之上見

長人受黑玉書于斯水上洮水又東北流屈而逕索

西城西建初二年馬防耿恭從五谿祥榼谷出索西

與羌戰破之築索西城徙隴西南部都尉居之俗名

赤水城案近刻脫亦曰臨洮東城也沙州記曰從東

洮至西洮百二十里者也洮水又屈而北逕龍桑城

西而西北流馬防以建初二年從安故五谿出龍桑

開通舊路者也俗名龍城洮水又西北逕步和亭東

步和川水注之水出西山下東北流出山逕步和亭

北東北注洮水洮水又北出門峽歷求厥川葦川水

注之水出桑嵐西谿東流歷桑嵐川又東逕葦川北

東入洮水洮水又北歷峽逕偏橋出夷始梁右合葦

塏川水水東南出石底橫下北歷葦塏川西北注洮

水洮水又東北逕桑城東又北會藍川水水源出求

厥川西北谿案近刻作出來歷川東北流逕藍川歷

桑城北案近刻訛作東入洮水洮水又北逕外羌城

西又北逕和博城東城在山內左合和博川水案水

刻亦作川水出城西南山下東北逕和博城南東北注于

洮水洮水北逕安故縣故城西地理志案志下近刻衍曰字隴

西之屬縣也十三州志曰縣在郡南四十七里蓋延

轉擊狄道安故五谿反羌案反近刻訛作及大破之即此也

洮水又北逕狄道故城西案狄道原本竝作降狄道據漢書刪下同闕駟

曰今日武始也洮水在城西北流案北流近刻訛作東北下又北

隴水注之案隴近刻訛作壟即山海經所謂濫水也水出鳥

鼠山西北高城嶺西逕隴坻案近刻脫隴字坻訛作底其山岸崩

落者聲聞數百里故揚雄稱響若坻頽是也又西北

歷白石山下地理志曰狄道東有白石山濫水又西

北逕武街城南案街近刻訛作階又西北逕狄道故城東百

官表曰縣有蠻夷謂之道公主所食曰邑案近刻訛作有公主

曰應劭曰反舌左衽不與華同須有譯言乃通也漢

隴西郡治秦昭王二十八年置應劭曰有隴坻在其

東故曰隴西也神仙傳曰封君達隴西人服鍊水銀

年百歲視之如年三十許騎青牛故號青牛道士王

莽更郡縣之名郡曰厭戎縣曰操虜也昔馬援為隴

西太守六年為狄道開渠引水種秔稻而郡中樂業

即此水也濫水又西北流注于洮水案流下近刻衍字洮水

右合二水左會大夏川水案左近刻訛作右水出西山二源

合舍而亂流逕金紐城南案紐近刻訛作柳下同十三州志曰

大夏縣西有故金紐城去縣四十里本都尉治又東

北逕大夏縣故城南地理志案志下近刻衍日字王莽之順夏

晉書地道記曰縣有禹廟禹所出也又東北出山注

于洮水洮水又北翼帶三水亂流北入河地理志曰

洮水北至枹罕東入河是也

又東過金城允吾縣北

金城郡治也漢昭帝始元六年置王莽之西海也莽

又更允吾為脩遠縣河水逕其南不在其北南有湟

水出塞外東逕西王母石室石釜西海鹽池北故闕

駟曰其西即湟水之源也地理志曰湟水所出案出下近

刻有也字湟水又東南流逕龍夷城故西零之地也十三

州志曰城在臨羌新縣西三百一十里王莽納西零

之獻以為西海郡治此城湟水又東南逕卑禾羌海

北有鹽池闕駟曰縣西有卑禾羌海者也世謂之青

海東去西平二百五十里湟水東流逕湟中城北故
小月氏之地也十三州志曰西平張掖之間大月氏
之別小月氏之國范曄後漢書曰湟中月氏胡者其
王為匈奴所殺餘種分散西踰蔥嶺其弱者南入山
從羌居止故受小月氏之名也後漢西羌傳曰羌無
弋爰劍者秦厲公時以奴隸亡入三河羌怪為神案
刻脫推以為豪河湟之間多禽獸以射獵為事遂見
敬信依者甚眾其曾孫忍因留湟中為湟中羌也湟
水又東右控四水導源四谿東北流注于湟湟水又

東逕赤城北而東入逕戎峽口右合羌水水出西南

山下案近刻脫逕護羌城東故護羌校尉治又東北

逕臨羌城西東北流注于湟案近刻湟水又東逕臨

羌縣故城北漢武帝元封元年案元封近刻以封孫

都為侯國王莽之監羌也謂之綏戎城非也湟水又

東盧谿水注之水出西南盧川東北流注于湟水湟

水又東逕臨羌新縣故城南闕駟曰臨羌新縣在郡

西百八十里湟水逕城南也城有東西門西北隅有

子城湟水又東右合湟谿伏湟石杜蠡四川東北流

注之左會臨羌谿水水發新縣西北東南流歷縣北

東南入湟水湟水又東龍駒川水注之水右出西南

山下案右近刻東北流逕龍駒城北流注于湟水湟

水又東長寧川水注之水出松山東南流逕晉昌城

案近刻訛作川晉昌川水注之長寧水又東南養女川水注

之水發養女北山有二源皆長湍遠發南總一川逕

養女山謂之養女川闕駟曰長寧亭北有養女嶺即

浩疊山西平之北山也亂流出峽南逕長寧亭東城

有東西門東北隅有金城在西平西北四十里十三

州志曰六十里遠矣長寧水又東南與一水合水出

西山東南流水南山上案南上近有風伯祠春秋祭

之其水東南逕長寧亭南東入長寧水長寧水又東

南流注于湟水湟水又東牛心川水注之水出西南

遠山案西近刻東北流逕牛心堆東又北逕西平亭

西東北入湟水湟水又東逕西平城北東城即故亭

也漢景帝六年封隴西太守北地公孫渾邪為侯國

魏黃初中立西平郡憑倚故亭增築南西北三城以

為郡治湟水又東逕土樓南樓北倚山原峯高三百

尺有若削成樓下有神祠雕牆故壁存焉闕駟曰西平亭北有土樓神祠者也今在亭東北五里右則五泉注之泉發西平亭北鴈次相綴東北流至土樓南北入湟水湟水又東右合蔥谷水水有四源各出一谿亂流注于湟湟水又東逕東亭北東出漆峽山峽也東流右則漆谷常谿注之左則甘夷川水入焉湟水又東安夷川水注之水發遠山西北流控引衆川案近刻流訛作逕脫引字北屈逕安夷城西北東入湟水湟水又東逕安夷縣故城城有東西門在西平亭東七十里

案在近刻訛作去

闕駟曰四十里湟水又東左合宜春水水

出東北宜春谿西南流至安夷城南

案近刻脫城字

入湟水

湟水又東勒且谿水注之水出縣東南勒且谿北流

逕安夷城東而北入湟水湟水有勒且之名疑卽此

號也闕駟曰金城河初與浩疊河合又與勒且河合

者也湟水又東左則承流谷水南入

案左則近刻作左合

右會

達扶東西二谿水參差北注亂流東出期頓雞谷二

水北流注之

案期字上近刻衍東流二字

又東

案近刻脫此二字

吐那孤

長門兩川南流入湟水六山名也

案此四字原本訛在上亂流東出句

下今考上六水出六山之谿谷皆舉山以名其水故總釋之亦注內之小注 湟水又東逕

樂都城南東流右合來谷乞斤二水案近刻右訛作又斤下行流字

左會陽非流谿細谷三水東逕破羌縣故城南應劭

曰漢宣帝神爵二年置城省南門十三州志曰湟水

河在南門前東過六谷水自南破羌川自北左右翼

注湟水又東南逕小晉興城北故都尉治闕駟曰允

吾縣西四十里有小晉興城案城下近刻行也字湟水又東與

閣門河合即浩疊河也出西塞外案西下近刻行北字東入塞

逕敦煌酒泉張掖南東南逕西平之鮮谷塞尉故城

南又東南與湛水合水有二源西水出自嶺下東源

發于白岸谷合為一川東南流至霧山注閣門河閣

門河又東逕養女北山東南左合南流川水水出北

山案近刻脫一水字南流入于閣門河閣門河又東逕浩疊

縣故城南王莽改曰興武矣闕駟曰浩讀閣也故亦

曰閣門水兩兼其稱矣又東流注于湟水故地理志

曰浩疊水東至允吾入湟水湟水又東逕允吾縣北

為鄭伯津與澗水合案澗近刻訛作澗水出令居縣西北塞

外案出下近刻衍縣北二字南流逕其縣故城西漢武帝元鼎二

年置王莽之旱虜也又南逕永登亭西歷黑石谷南

流注鄭伯津湟水又東逕允街縣故城南漢宣帝神

爵二年置王莽之脩遠亭也縣有龍泉出允街谷泉

眼之中水文成交龍案交近刻或試撓破之尋平成

龍畜生將飲者皆畏避而走謂之龍泉下入湟水湟

水又東逕枝楊縣逆水注之水出允吾縣之參街谷

東南流逕街亭城南又東南逕陽非亭北案亭北近

亭又東南逕廣武城西故廣武都尉治郭淮破叛羌

治無戴案原本訛作故無于此處也城之西南二十

許里水西有馬蹏谷漢武帝聞大宛有天馬遣李廣

利伐之始得此馬有角為奇故漢武帝天馬之歌曰

案武帝二字近天馬來兮歷無草案近刻逕千里兮

循東道案循近刻胡馬感北風之思遂頓羈絕絆驤

首而馳晨發京城夕至敦煌北塞外案夕字近刻長

鳴而去因名其處曰候馬亭今晉昌郡南及廣武馬

蹏谷盤石上馬跡若踐泥中有自然之形故其俗號

曰天馬徑夷人在邊效刻是有大小之跡體狀不同

視之便別逆水又東逕枝陽縣故城南東南入于湟

水地理志曰逆水出允吾東至枝陽入湟湟水又東

流案湟水二字近刻訛作河字注于金城河即積石之黃河也關

駟曰河至金城縣謂之金城河隨地為名也釋氏西

域記曰牢蘭海東伏流龍沙堆在屯皇東南四百里

阿步干鮮卑山案阿步干近刻訛作河步干東流至金城為大河

河出崑崙案近刻脫一河字崑崙即阿耨達山也河水又東

逕石城南案此八字原本及近刻並訛作經謂之石城津關駟曰在

金城西北矣河水又東南逕金城縣故城北應劭曰

初築城得金故曰金城也漢書集註薛瓚云金者取

其堅固也故墨子有金城湯池之言矣王莽之金屏

也世本曰鯀作城風俗通曰城盛也從土成聲管子

曰內為之城城外為之郭案近刻脫一城字郭外為之土闔

案近刻訛作郭外之上開地高則溝之案地近刻訛作池下則隄之案近刻脫

此四命之曰金城十三州志曰大河在金城北門東

流有梁泉注之出縣之南山按耆舊言梁暉字始娥

漢大將軍梁冀後冀誅入羌後其祖父為羌所推為

渠帥而居此城土荒民亂暉將移居枹罕出頓此山

為羣羌圍迫無水暉以所執榆鞭豎地以青羊祈山

神泉湧出榆木成林其水自縣北流注于河也

又東過榆中縣北

昔蒙恬為秦北逐戎人開榆中之地按地理志案志下近

刻衍金城郡之屬縣也故徐廣史記音義曰榆中在

金城即阮嗣宗勸進文所謂榆中以南者也

又東過天水北界

苑川水出勇士縣之子城南山案苑近刻東北流歷

此成川案成近刻世謂之子城川又北逕牧師苑故

漢牧苑之地也羌豪迷吾等萬餘人案迷近刻到襄

武首陽平襄勇士抄此苑馬案抄上近刻焚燒亭

驛即此處也又曰苑川水地為龍馬之沃土故馬援

請與田戶中分以自給也東西二苑城有相去七十

里案近刻西城即乞佛所都也又北入于河也

又東北過武威媼圍縣南案近刻訛作又北過

河水逕其界東北流縣西南有泉源東逕其縣南又

東北入河也

又東北過天水勇士縣北

地理志曰滿福也案滿近刻屬國都尉治王莽更名

之曰紀德有水出縣西

案近刻脫有字西訛作山

世謂之二十八

渡水東北流谿澗縈曲途出其中逕二十八渡行者

勤于溯涉故因名焉北逕其縣而下注河又有赤擘

川水南出赤蒿谷北流逕赤擘川又北逕牛官川又

北逕義城西北北流歷三城川而北流注于河也

又東北過安定北界麥田山

河水東北流逕安定祖厲縣故城西北

案此十五字原本及近刻

並訛作經

漢武帝元鼎三年

案近刻訛作五年

幸雍遂踰隴登空

同西臨祖厲河而還即于此也王莽更名之曰鄉禮

也李斐曰音賴又東北祖厲川水注之水出祖厲南

山北流逕祖厲縣而西北流注于河

案河下近刻衍水字

河水

又東北逕麥田城西又北與麥田泉水合

案此十八字原本及

近刻並訛作經

水出城西北西南流注于河河水又東北逕

麥田山西谷

案此十一字原本及近刻並訛作經今考以上注文記河之西南來所逕至此

即經所謂東北過安定北界麥田山也

山在安定西北六百四十里

案近

刻脫山字河水又東北逕于黑城北又東北高平川水注

之

案此十九字原本及近刻並訛作經

即苦水也

案苦近刻訛作若下同

水出高

平大隴山苦水谷

案隴近刻訛作壟

建武八年世祖征隗囂

吳漢從高平第一城苦水谷入

案原本及近刻並脫吳字據後漢書補

即是谷也東北流逕高平縣故城東漢武帝元鼎三

年置

案近刻脫置字

安定郡治也王莽更名其縣曰鋪睦西

十里有獨阜阜上有故臺臺側有風伯壇故世俗呼

此阜為風堆其水又北龍泉水注之水出縣東北七

里龍泉東北流注高平川川水又北出秦長城

案長字近

刻訛在

城在縣北一十五里又西北流逕東西二土

樓故城門北

案土樓近刻訛作太婁

合一水水有五源咸出隴

山西東水發源縣西南一十六里湫淵淵在四山中

湫水北流西北出長城北與次水會水出縣西南四

十里長城西山中北流逕魏行宮故殿東又北次水

注之出縣西南四十里山中北流逕行宮故殿西又

北合次水水出縣西南四十八里東北流又與次水

合水出縣西南六十里酸陽山東北流左會右水總

為一川東逕西樓北

案樓近刻亦訛作婁

東注苦水段頰為護

羌校尉于安定高平苦水討先零斬首八千級于是

水之上苦水又北與石門水合水有五源東水導源

高平縣西八十里西北流次水注之水出縣西百二

十里如州泉東北流右入東水亂流左會三川參差相得東北同為一川混濤歷峽峽即隴山之北垂也謂之石門口水曰石門水在縣西北八十餘里石門之水又東北注高平川水又北自延水注之水西出自延谿案近刻脫水字東流歷峽謂之自延口在縣西北百里案近刻脫在字又東北逕延城南東入高平川川水又北逕廉城東按地理志案志下近刻衍日字北地有廉縣案近刻廉下衍城字鬪駟言在富平北自昔匈奴侵漢新秦之土率為狄場故城舊壁盡從胡目案胡近刻訛作故地理

淪移不可復識當是世人誤證也川水又北苦水注

之水發縣東北百里山案此處應有訛脫流注高平川水

又北案近刻訛作流注高平高平又北逕三水縣西肥水注之水出

高平縣西北二百里牽條山西東北流與若勃谿合

水有二源案水字近刻訛在合字上總歸一瀆東北流入肥肥水

又東北流違泉水注焉泉流所發導于若勃谿東東

北流入肥肥水又東北出峽注于高平川水東有山

山東有三水縣故城本屬國都尉治王莽之廣延亭

也西南去安定郡三百四十里議郎張奐案議近刻訛作侍

為安定屬國都尉治此羌有獻金馬者奐召主簿張
 祁入于羌前以酒酌地曰使馬如羊不以入廩使金
 如粟不以入懷盡還不受威化大行縣東有溫泉溫
 泉東有鹽池故地理志曰縣有鹽官今于城之東北
 有故城城北有三泉疑即縣之鹽官也高平川水又
 北入于河河水又東北逕胸卷縣故城西案此十二
 字原本及
近刻竝
 訛作經地理志曰河水別出為河溝東至富平北入
 河河水于此有上河之名也

水經注卷二

水經注卷三

後魏酈道元撰

河水案二字原本訛在經文又北上
 近刻又增河水三三字表目

又北過北地富平縣西

河側有兩山相對水出其間即上河峽也案近刻世
 脫也字

謂之為青山峽案近刻
 脫峽字河水歷峽北注枝分東出河

水又北逕富平縣故城西案此十一字原本及近刻
 竝訛作經今考經舉當時

郡縣至道元時或廢或徙
 注是以目為故城後竝同秦置北部都尉案部原本
 訛作地據

漢書
 改正治縣城王莽名郡為威戎縣曰持武案持近刻
 作特漢書

侍建武中曹鳳字仲理為北地太守政化尤異黃龍

應于九里谷高岡亭角長三尺大十圍梢至十餘丈

天子嘉之賜帛百匹加秩中二千石河水又北薄骨

律鎮城案此九字原本及近刻並訛作經在河渚上案在字上近刻衍城字赫

連果城也桑果餘林仍列洲上但語出戎方案語近刻訛作

諸不究城名訪諸耆舊咸言故老宿彥云案云近刻作言赫

連之世有駿馬死此取馬色以為邑號故目城為白

口驪韻之謬遂仍今稱所未詳也河水又逕典農城

東案此八字原本及近刻並訛作經又下應脫北字世謂之胡城又北逕上

河城東世謂之漢城薛瓚曰上河在西河富平縣即

此也馮參為上河典農都尉所治也案漢邊郡置農都尉主屯田殖

穀馮參乃農都尉典字衍典農之名始於建安中河水又北逕典農城東案

九字近刻訛作經俗名之為呂城皆參所屯以事農案原本脫

昨字宋本有河水又東北逕廉縣故城東案此十一字原本及近刻並訛

作王莽之西河亭地理志曰卑移山在西北河水又

北與枝津合案此八字原本及近刻並訛作經北訛在與字下水受大河東

北逕富平城所在分裂以溉田圃北流入河今無水

爾雅曰灘反入言河決復入者也河之有灘若漢之

有潛也河水又東北逕渾懷障西

案此十字原本及近刻並訛作經

地理志

案志下近刻衍日字

渾懷都尉治塞外者也

太和初三

齊平徙歷下民居此遂有歷城之名矣

案城近刻作地南去

北地三百里

案北地近刻訛作北城

河水又東北歷石崖山西

案此十字原本及近刻並訛作經

去北地五百里

案北地近刻訛作北城

山石

之上自然有文盡若虎馬之狀

案虎太平御覽引作獸近刻訛作戰然成著類似圖焉故亦謂之畫石山也

又北過朔方臨戎縣西

河水東北逕三封縣故城東漢武帝元狩三年置十

三州志曰在臨戎縣西百四十里

案四近刻作三

河水又北

逕臨戎縣故城西

案此十一字近刻訛作經

漢元朔五年立舊朔

方郡治王莽之所謂推武也

案河水又北至此共二十九字原本脫近刻有

河水又北有枝渠東出謂之銅口東逕沃野縣故城

南

案此二十一字原本及近刻並訛作經

漢武帝元狩三年立王莽之

綏武也枝渠東注以溉田所謂智通在我矣河水又

北屈而為南河出焉河水又北迤西溢於窟渾縣故

城東

案此二十五字原本及近刻並訛作經

漢武帝元朔二年開朔方

郡縣即西部都尉治

案縣即二字近刻訛作治又有三字

有道自縣西

北出雞鹿塞王莽更郡曰溝搜縣曰極武其水積而為屠申澤澤東西百二十里故地理志曰屠申澤在

縣東即是澤也闕駟謂之窳渾澤矣案近刻脫窳字

屈從縣北東流案近刻脫東字此句原本及近刻並誤入注內接謂之渾澤矣下今考文義乃

承上經臨戎縣非注文體例

河水又屈而東流為北河案此十字原本及近刻並訛作經今考其脈絡乃承

上注屈而為南河又北迤西之文漢武帝元朔二年大將軍衛青絕

梓嶺梁北河是也案此二十字原本及近刻並訛在後王莽之監河也下至河目縣西

上東迤高關南案此五字原本及近刻並訛作經接為北河下史記趙武靈

王既襲胡服自代竝陰山下至高關為塞山下有長

城長城之際連山刺天其山中斷兩岸雙闕善能雲

舉望若闕焉即狀表目案即近刻訛作節故有高關之名也

自關北出荒中關口有城跨山結局謂之高關戍自

古迄今案自近刻作上常置重捍以防塞道漢元朔四年衛

青將十萬人敗右賢王于高關即此處也河水又東

迤臨河縣故城北漢武帝元朔三年封代恭王子劉

賢為侯國王莽之監河也

至河目縣西案此五字原本及近刻並誤入注內接梁北河是也下

河水自臨河縣東逕陽山南

案此十一字原本及近刻並訛作經今考文義

乃承上注漢書注曰陽山在河北指此山也東流逕

石跡阜西是阜破石之文悉有鹿馬之跡故納斯稱

焉

案近刻作故斯阜納稱焉

南屈逕河目縣在北假中

案近刻在訛作左脫

中地名也

案此三字亦注內之小注

自高闕以東夾山帶河陽山

以往

案近刻作去朱謀埠云宋本作西

皆北假也史記曰秦使蒙恬

將十萬人北擊胡度河取高闕據陽山北假中是也

北河又南合南河河南上承西河

案近刻脫南河二字

東逕臨

戎縣故城北又東逕臨河縣南又東逕廣牧縣故城

北東部都尉治

案東上近刻衍有字

王莽之鹽官也逕流二百

許里東會于河河水又南逕馬陰山西

案此九字原本及近刻並

訛作經南近刻作東

漢書音義曰陽山在河北陰山在河南謂

是山也而即實不在河南史記音義曰五原安陽縣

北有馬陰山今山在縣北言陰山在河南又傳疑之

非也余按南河北河及安陽縣以南悉沙阜耳無他

異山故廣志曰朔方郡北移沙七所而無山以擬之

是義志之僻也

案義志近刻作議誌

陰山在河東南則可矣河

水又東南逕朔方縣故城東北

案此十三字原本及近刻並訛作經詩

所謂城彼朔方也漢元朔二年大將軍衛青取河南地為朔方郡使校尉蘇建築朔方城即此城也王莽以為武符者也按地理志云金連鹽澤案金近刻訛作今青鹽澤並在縣南矣又按魏土地記曰縣有大鹽池其鹽大而青白名曰青鹽又名戎鹽入藥分漢置典鹽官案近刻訛作典官鹽池去平城宮千二百里案城近刻訛作地在新秦之中服虔曰新秦地名在北方千里如淳曰長安以北朔方以南也薛瓚曰秦逐匈奴收河南地徙民以實之謂之新秦也

屈南過五原西安陽縣南案此十字原本及近刻並誤入注內接謂之新秦也下

河水自朔方東轉逕渠搜縣故城北案此十四字原本及近刻並訛

作地理志案志下近朔方有渠搜縣中部都尉治王莽之溝搜亭也禮三朝記曰北發渠搜南撫交趾此

舉北對南案舉近刻訛作與禹貢之所云析支渠搜矣河水

又東案近刻脫東字逕西安陽縣故城南案近刻脫縣字南字王莽更

之曰漳安矣案漳近刻訛作障河水又東案近刻脫又字逕田辟城

南地理志曰故西部都尉治也

屈東過九原縣南案此七字原本及近刻並誤入注內接西部都尉治也下

河水又東逕成宜縣故城南

案此十一字原本及近刻並訛作經今考成宜

宜梁皆在九原之西河水之東乃承上注文田辟城

王莽更曰艾虜也河水又

東逕原亭城南

案此九字原本及近刻並訛作經

闕駟十三州志曰

中部都尉治河水又東逕宜梁縣之故城南

案此十二字原

本及近刻並訛作經

闕駟曰五原西南六十里今世謂之石崖

城河水又東逕稠陽城南

案此九字原本及近刻並訛作經稠作副今考漢書

地理志于五原郡下云東部都尉治稠陽即此稠陽城也亦謂之稠陽塞別有稠陽縣故城塞在縣西北

東部都尉治又逕河陰縣故城北

案近刻脫又字

又東逕九

原縣故城南秦始皇置九原郡治此漢武帝元朔二

年更名五原也王莽之獲降郡成平縣矣西北接對

一城蓋五原縣之故城也王莽之填河亭也竹書紀

年

案年下近刻有云字

魏襄王十七年邯鄲命吏大夫奴遷于

九原又命將軍大夫適子戍吏皆貉服矣其城南面

長河北背連山秦始皇逐匈奴並河以東屬之陰山

築亭障為河上塞徐廣史記音義曰陰山在五原北

即此山也始皇三十三年

案近刻訛作二十四年

起自臨洮東

暨遼海西並陰山築長城及開南越地晝警夜作民

勞怨苦故楊泉物理論曰秦始皇使蒙恬築長城死

者相屬民歌曰生男慎勿舉生女哺用脯不見長城
下尸骸相支柱其冤痛如此矣蒙恬臨死曰夫起臨
洮屬遼東城塹萬餘里不能不絕地脈此固當死也
又東過臨沃縣南

王莽之振武也河水又東枝津出焉河水又東流石
門水南注之案此十九字原本及近刻並訛作經水出石門山地理志
曰北出石門障即此山也西北趣光祿城甘露三年
呼韓邪單于還詔遣長樂衛尉高昌侯董忠車騎都
尉韓昌等將萬六千騎送單于居幕南保光祿徐自

為所築城也

案保近刻訛作堡

故城得其名矣城東北即懷

朔鎮城也其水自障東南流逕臨沃城東東南注于

河河水又東逕稠陽縣故城南

案此十一字原本及近刻並訛作經

王莽之固陰也地理志曰自縣北出石門障河水決其

西南隅又東南枝津注焉水上承大河于臨沃縣東

流七十里北漑田南北二十里注于河河水又東逕

塞泉城南而東注

案此十二字原本及近刻並訛作經

又東過雲中楨陵縣南又東過沙南縣北從縣東屈南

過沙陵縣西

大河東逕咸陽縣故城南王莽之賁武也河水屈而

流白渠水注之案此十字原本及近刻並訛作經水出塞外西逕定

襄武進縣故城北西部都尉治王莽更曰伐蠻案曰近刻

作世祖建武中封趙慮為侯國也白渠水西北逕成

樂城北案近刻脫城字郡國志曰成樂故屬定襄也魏土地

記曰雲中城東八十里有成樂城今雲中郡治一名

石盧城也白渠水又西逕魏雲中宮南魏土地記曰

雲中宮在雲中縣故城東四十里案近刻脫縣字白渠水又

西南逕雲中故城南故趙地虞氏記云趙武侯案近刻脫

武字自五原河曲築長城東至陰山又于河西造大城

一箱崩不就乃改卜陰山河曲而禱焉晝見羣鵠遊

于雲中徘徊經日見大光在其下武侯曰此為我乎

乃即于其處築城今雲中城是也秦始皇十三年立

雲中郡王莽更郡曰受降案近刻脫此七字縣曰遠服矣白

渠水又西北逕沙陵縣故城南王莽之希恩縣也其

水西注沙陵湖又有芒干水案干原本訛作干據漢書改正下同出塞

外南逕鍾山山即陰山故郎中侯應言于漢曰陰山

東西千餘里單于之苑囿也自孝武出師攘之于漠

北匈奴失陰山過之未嘗不哭謂此山也其水西南
 逕武臯縣王莽之永武也又南逕原陽縣故城西又
 西南與武泉水合其水東出武泉縣之故城西南縣
 即王莽之所謂順泉者也水南流又西屈逕北輿縣
 故城南按地理志案志下近刻衍日字五原有南輿縣王莽之
 南利也故此加北舊中部都尉治十三州志曰廣陵
 有輿案輿漢書地理志屬臨淮郡後漢屬廣陵故此加北疑太疎遠也其
 水又西南入芒干水芒干水又西南逕白道南谷口
 有城在右縈帶長城案縈近刻訛作側背山面澤謂之白道

城

案白道下近刻衍南谷口有四字

自城北出有高阪謂之白道嶺

沿路惟土穴出泉挹之不窮余每讀琴操見琴慎相

和雅歌錄云飲馬長城窟及其跋陟斯途

案跋近刻訛作扳

遠懷古事始知信矣非虛言也顧瞻左右山椒之上

案椒近刻訛作樹

有垣若頽基焉沿谿互嶺東西無極疑趙

武靈王之所築也芒干水又西南

案近刻訛作又南西

逕雲中

城北白道中谿水注之水發源武川北塞中其水南

流逕武川鎮城城以景明中築

案近刻脫一城字

以禦北狄

矣其水西南流歷谷逕魏帝行宮東世謂之阿計頭

殿宮城在白道嶺北阜上其城圓角而不方四門列

觀城內惟臺殿而已其水又西南歷中谿出山西南

流于雲中城北案此下原本及近刻並重南注芒干

水芒干水又西案近刻塞水出懷朔鎮東北荒中南

流逕廣德殿西山下余以太和十八年從高祖北巡

屆于陰山之講武臺臺之東有高祖講武碑碑文是

中書郎高聰之辭也自臺西出南上山山無樹木惟

童阜耳即廣德殿所在也其殿四注兩夏案注近刻

同厦堂宇綺井案井近刻圖畫奇禽異獸之象殿之西

北便得焜煌堂雕楹鏤桷取狀古之温室也其時帝

幸龍荒遊鸞朔北南秦王仇池楊難當捨蕃委誠重

譯拜闕陛見之所也故殿以廣德為名魏太平真君

三年刻石樹碑勒宣時事碑頌云肅清帝道振懾四

荒有蠻有戎自彼氏羌無思不服重譯稽顙恂恂南

秦斂斂推亡峨峨廣德奕奕焜煌侍中司徒東郡公

崔浩之辭也碑陰題宣城公李孝伯尚書盧遐等從

臣姓名若新鏤焉其水歷谷南出山西南入芒干水

芒干水又西南注沙陵湖湖水西南入于河河水南

入楨陵縣西北緣胡山歷沙南縣東北兩山二縣之

閒而出

案此二十六字為句原本及近刻竝截上九字訛作經下十七字仍屬注文

余以

太和中為尚書郎從高祖北巡親所逕涉縣在山南

王莽之楨陸也北去雲中城一百二十里縣南六十

許里有東西大山山西枕河河水南流脈水尋經殊

乖川去之次似非關究也

案此駁正經文東過楨陵沙南之誤

又南過赤城東又南過定襄桐過縣西

定襄郡漢高帝六年置

案近刻脫帝字

王莽之得降也桐過

縣王莽更名椅桐者也河水于二縣之閒濟有君子

之名

案此十三字原本及近刻竝訛作經

皇魏桓帝十一年

案皇魏近刻訛作昔

漢一訛作三

西幸榆中東行代地洛陽大賈齎金貨隨帝

後行夜迷失道往投津長日子封送之渡河賈人卒

死津長埋之其子尋求父喪發冢舉尸資囊一無所

損

案囊近刻訛作貨

其子悉以金與之津長不受事聞于帝

帝曰君子也

案近刻脫一帝字

即名其津為君子濟濟在雲

中城西南二百餘里河水又東南左合一水

案此九字原本

及近刻竝訛作經

水出契吳東山西逕故里南

案南下近刻衍而字北

俗謂之契吳亭其水又西流注于河河水又南樹頽

水注之

案此九字原本及近刻竝訛作經

水出東山西南流右合中

陵川水

水出中陵縣西南山下

案近刻脫西字

北俗謂之大

浴真山

案近刻脫真字山下衍其字

水亦取名焉東北流逕中陵

縣故城東北俗謂之北右突城王莽之遮害也十三

州志曰善無縣南七十五里有中陵縣世祖建武二

十五年置其水又西北右合一水水出東山

案出近刻訛作

自北俗謂之貸敢山水又受名焉其水西北流

案水

刻衍

注于中陵水中陵水又西北流逕善無縣故城

西王莽之陰館也十三州志曰舊定襄郡治地理志

鴈門郡治

案近刻志下衍曰字

其水又西北流右會一水

案右近刻

訛作

水出東山下北俗謂之吐文水山又取名焉北

流逕鋤亭南又西流逕土壁亭南

案近刻脫又字逕字

西出峽

左入中陵水中陵水又北分爲二水一水東北流謂

之沃水

案沃原本訛作流今改正

又東逕沃陽縣故城南

案故近刻訛作

坎北俗謂之可不塋城王莽之敬陽也又東北逕沃

陽城東又東合可不塋水水出東南六十里山下西

北流注沃水沃水又東

案近刻脫沃水二字又下衍會字

逕參合縣

南魏因參合陁以卽名也北俗謂之倉鶴陁道出其

中亦謂之參合口陘在縣之西北

案陘在近刻訛作徑左

即燕

書所謂太子寶自河西

案近刻脫西字

還師參合三軍奔潰

即是處也魏立縣以隸涼城郡

案近刻郡下有也字

西去沃陽

縣故城二十里縣北十里有都尉城地理志曰沃陽

縣西部都尉治者也北俗謂之阿養城其水又東合

一水水出縣東南六十里山下北俗謂之災豆渾水

西北流注于沃水沃水又東北流注鹽池地理志曰

鹽澤在東北者也今鹽池西南去沃陽縣故城六十

五里

案近刻脫縣字

池水澱渟淵而不流東西三十里南北

二十里池北七里

案近刻作十里

即涼城郡治

案近刻訛作注

池西

有舊城俗謂之涼城也郡取名焉地理志曰澤有長

丞

案漢官制有令有長令長皆有丞

此城即長丞所治也城西三里

有小阜阜下有泉東南流注池北俗謂之大谷北堆

案近刻訛作此佳

水亦受目焉中陵川水自枝津西北流右

合一水于連嶺北水出沃陽縣東北山下

案近刻脫水字

俗謂之烏伏真山

案謂近刻作名

水曰誥升袁河西南流逕

沃陽縣左合中陵川亂流西南與一水合北俗謂之

樹頽水水出東山下西南流右合誥升袁水亂流西

南注分爲二水左水枝分南出北俗謂之太羅河右

水西逕故城南北俗謂之昆新城案謂近刻作名其水自城

西南流注于河河水又南太羅水注之案此九字原本及近刻並

訛作水源上承樹頽河南流西轉逕武州縣故城南

案近刻脫十三州志曰武州縣在善無城西南百五

十里案近刻脫北俗謂之太羅城水亦藉稱焉其水

西南流一水注之案一近刻作右水導故城西北五十里南

流逕城西北俗名之曰故槃迴城案近刻脫俗字又南流注

太羅河太羅河又西南流注于河河水又左得滴水

口案此八字原本及近刻並訛作經水出西河郡美稷縣東南流東

觀記曰郭伋字細侯案近刻脫字字爲并州牧前在州素有

恩德老小相攜道路行部到西河美稷數百小兒各

騎竹馬迎拜伋問兒曹何自遠來曰聞使君到喜故

迎伋謝而發去諸兒復送郭外問使君何日還伋計

日告之及還先期一日念小兒即止野亭須期至乃

往其水又東南流羌人因水以氏之漢冲帝時羌湍

狐奴歸化蓋其渠帥也其水俗亦謂之爲遄波水東

南流入長城東鹹水出長城西鹹谷東入湍水湍水

又東南渾波水出西北窮谷東南流注于滴水滴水

又東逕西河富昌縣故城南王莽之富成也滴水又

東流入于河案原本訛作滴水今改正河水左合一水案原本脫河字出

善無縣故城西南八十里其水西流歷于呂梁之山

而為呂梁洪其山案近刻脫山字巖層岫衍澗曲崖深巨石

崇竦壁立千仞河流激盪濤涌波襄雷洊電洩案電近刻

作震天動地昔呂梁未闢河出孟門之上蓋大禹所

闢以通河也司馬彪曰呂梁在離石縣西今于西

歷山尋河竝無過峘案竝近刻作乃過峘朱謀埠云當作過阻至是乃為

河之巨險案近刻脫河之二字即呂梁矣在離石北以東可二

百有餘里也

又南過西河固陽縣東

西河郡漢武帝元朔四年置王莽改曰歸新固水出

上郡白土縣固谷東逕其縣南地理志曰固水出西

東入河案東近刻作南蓋後人所妄改王莽更曰黃土也東至長城

與神銜水合案銜近刻訛作御下同水出縣南神銜山案近刻脫神字

出峽東至長城案近刻訛作峽山東出至長城入于固固水又東逕

鴻門縣縣故鴻門亭地理風俗記曰固陰縣西五十

里有鴻門亭天封苑案近刻火井廟火從地中出園訛作宛

水又東梁水注之水出西北梁谷東南流注園水園

水又東逕園陰縣北漢惠帝五年立王莽改曰方陰

矣又東桑谷水注之水出西北桑谿案此句之下近

谿四字東北流入于園園水又東逕園陽縣南案近

係行文作逕園東流注于河河水又東端水入焉案此八字

陰南刻並訛水西出號山山海經曰其木多漆椶案其下

作經其草多穹窮案即是多冷石案冷近刻端水出焉訛作冷

而東流注于河河水又南諸次之水入焉案此十字

刻並訛作經水出上郡諸次山山海經曰諸次之山諸次

之水出焉案近刻脫是山多木無草鳥獸莫居是多

象蛇案象近刻其水東逕榆林塞世又謂之榆林山

即漢書所謂榆谿舊塞者也自谿西去悉榆柳之藪

矣案柳近緣歷沙陵屆龜茲縣西北案近刻訛故謂

廣長榆也王恢云樹榆為塞謂此矣蘇林以為榆中

在上郡非也按始皇本紀西北逐匈奴自榆中並河

以東屬之陰山然榆中在金城東五十許里陰山在

朔方東以此推之不得在上郡漢書音義蘇林為失

是也案失是近刻其水東入長城小榆水合焉案榆下近

刻衍歷澗西北案澗近刻窮谷其源也又東合首積

水水西出首積谿案近刻脫水字東注諸次水又東

入于河山海經曰諸次之水東流注于河即此水也

河水又南湯水注之案此入字原本及山海經曰水

出上申之山上無草木而多碕石下多榛楛湯水出

焉東流注于河也

又南離石縣西案又南下

奢延水注之案此五字原本及近刻並訛作經今考

來者乃水西出奢延縣西南赤沙阜東北流山海經

注文所謂生水出孟山者也案孟近刻郭景純曰孟或作

明漢破羌將軍段熲破羌于奢延澤虜走洛川洛川

在南俗因縣土謂之奢延水又謂之朔方水矣案近

方東北流逕其縣故城南王莽之奢節也赫連龍昇

七年于是水之北黑水之南遣將作大匠梁公叱干

阿利案近刻訛作改築大城名曰統萬城蒸土加功

雉堞雖久崇墉若新并造五兵器銳精利乃咸百鍊

為龍雀大鑲號曰大夏龍雀銘其背曰古之利器吳

楚湛盧大夏龍雀名冠神都可以懷遠可以柔逋如
 風靡草威服九區世甚珍之又鑄銅為大鼓及飛廉
 翁仲銅駝龍虎皆以黃金飾之列于宮殿之前則今
 夏州治也奢延水又東北與溫泉合源西北出沙谿
 而東南流注奢延水奢延水又東黑水入焉水出奢
 延縣黑澗案近刻脫水字東南歷沙陵注奢延水奢延水又
 東合交蘭水水出龜茲縣交蘭谷案近刻脫水字縣字東南流
 注奢延水奢延水又東北流與鏡波水合水源出南
 邪山南谷東北流注于奢延水奢延水又東逕膚施

縣帝原水西北出龜茲縣東南流縣因處龜茲降胡
 著稱又東南注奢延水奢延水又東案近刻脫奢延水三字及東字
 逕膚施縣南秦昭王三年置上郡治漢高祖并三秦
 復以為郡王莽以漢馬員案馬員字季主為增山連率歸世
 祖以為上郡太守司馬彪曰增山者上郡之別名也
 東入五龍山地理志曰縣有五龍山帝原水案山下近刻衍
 也自下亦為通稱也歷長城東出于白翟之中案近刻訛
作出于赤翟又有平水案平近刻訛作年出西北平谿東南
 入奢延水奢延水又東走馬水注之水出西南長城

北陽周縣故城南橋山昔二世賜蒙恬死于此王莽
 更名上陵時山上有黃帝冢故也帝崩惟弓劍存焉
 故世稱黃帝仙矣其水東流昔段熲追羌出橋門至
 走馬水聞羌在奢延澤卽此處也門卽橋山之長城
 門也始皇令太子扶蘇與蒙恬築長城起自臨洮至
 于碣石卽是城也其水東北流入長城又東北注奢
 延水奢延水又東與白羊水合其水出于西南白羊
 谿循谿東北注于奢延水案循近刻訛作巡奢延水又東入
 于河山海經曰生水東流注于河河水又南陵水注

之

案此八字原本及近刻並訛作經

水出陵川北谿南逕其川西轉

入河河水又南得離石水口

案此九字原本及近刻並訛作經

水出

離石北山

案近刻脫水出二字

南流逕離石縣故城西史記云

秦昭王伐趙取離石者也漢武帝元朔三年封代其
 王子劉綰爲侯國後漢西河郡治也其水又南出西
 轉逕隰城縣故城南漢武帝元朔三年封代其王子
 劉忠爲侯國王莽之慈平亭也胡俗語訛尙有干城
 之稱其水西流注于河也

又南過中陽縣西

中陽縣故城在東案陽近刻訛作南東翼汾水隔越重山不

濱于河也

又南過土軍縣西

吐京郡治故城即土軍縣之故城也胡漢譯言音為

訛變矣案近刻訛作皆訛偽變矣其城員長而不方漢高帝十一

年以封武侯宣義為侯國縣有龍泉出城東南道左

山下牧馬川上多產名駒駿同滇池天馬案近刻訛作元河

其水西北流至其城東南土軍水出道左高山西南

流之龍泉水又北屈逕其城東西北入于河河水又

南合契水案此七字原本及近刻並訛作經旁谿東入窮谷其源也

又南至祿谷水口水源東窮此谿也河水又南得大

蛇水案此入字原本及近刻並訛作經發源谿首西流入河河水又

南右納辱水案此入字原本及近刻並訛作經山海經曰辱水出鳥

山案出下近刻衍于字其上多桑其下多楮陰多鐵陽多玉其

水東流注于河俗謂之秀延水東流得浣水口旁谿

西轉窮谿便即浣水之源也辱水又東案辱水近刻訛作延水下

同會根水案會下近刻衍于字西南谿下根水所發而東北注

辱水辱水又東南案近刻脫辱水又三字露跳水出西露谿案出

西近刻訛東流又東北入辱水亂流注于河河水又

作西出南左合信支水水發源東露谿案近刻西流入于河

河水又南左會石羊水循谿東入導源窮谷西流注

于河

又南過上郡高奴縣東

域谷水東啓荒原案近刻西歷長谿西南入于河河

水又南合孔谿口案近刻水出孔山南歷谿西流注

于河孔山之上有穴如車輪三所東西相當相去各

二丈許南北直通故謂之孔山也山在蒲城西南三

十餘里河水又右會區水山海經西次四經之首案

近刻訛曰陰山西北百七十里曰申山其上多穀柞

其下多柎榘其陽多金玉案近刻脫區水出焉而東

流注于河世謂之清水東流入上郡長城案上郡二

在東逕老人山下又東北流至老人谷旁水北出極

谿便得水源清水又東得龍尾水口水出北地神泉

障北山龍尾谿東北流注清水清水又東會三湖水

水出南山三湖谷東北流入清水清水又東逕高奴

縣合豐林水地理志謂之涓水也故言高奴縣有涓

水肥可難水上有肥可接取用之博物志稱酒泉延壽縣南山出泉水大如筥注地為溝水有肥如肉汁取著器中始黃後黑如凝膏然極明與膏無異膏車及水確缸甚佳彼方人謂之石漆水肥亦所在有之非止高奴縣洧水也項羽以封董翳為翟王居之三秦此其一也漢高祖破以縣之王莽之利平矣民俗語訛謂之高樓城也豐林川長津瀉注北流會清水案近刻清訛作洧下同又脫水字清水又南案近刻訛作有奚谷水注之案近刻訛作奚水西出奚川東南流入清水清水又東注于

河河水又南蒲川水出石樓山南逕蒲城東案此十六字原

本及近刻竝訛作經今本脫水出二字即重耳所奔之處也又南歷蒲

子縣故城西今大魏之汾州治徐廣晉紀稱劉淵自

離石南移蒲子者也闕駟曰蒲城在西北漢武帝置

其水南出得黃盧水口水東出蒲子城南案近刻脫水字出下

復衍東北入谷極谿便水之源也蒲水又南案近刻脫蒲水

歷字合紫川水東北出紫川谷案水字下近刻衍出字西南合

江水江水出江谷西北入紫川水紫川水又西北入

蒲水蒲水又西南入于河水河水又南合黑水案近刻訛

作河水入南黑水水出定陽縣西山二源奇發同瀉一壑東

南流逕其縣北又東南流右合定水俗謂之白水也

水西出其縣南山定水谷東逕定陽縣故城南

案東更應劭曰縣在定水之陽也定水又東注于黑水亂

流東南入于河

水經注卷三



